

悔

翁

筆

記

悔翁筆記目錄

卷一

元良首也

二則

九河

治梁及岐

二則

達于荷

二則

黑水

四則

大陸

二則

揚陞

竹箭

顧命七兵

劉

蓼蕭序

陽則有泮

二則

白土沮漆

二則

鞞鞞

牡麕牝麕

陰鞠

六駁

經文不可泥

五則

鄭箋同異 四則

鄭氏注通假 九則

綠

繪

緦綯

苕

漆 二則

暴

八佾

孟子字數

左氏駁文

名

陽

卷二

儀禮今文

儀禮漢制攷 三十六則

職方山澤川浸

周官軍賦說六鄉

都鄙

乘數

邦國

辦可任

諸臣

媵四則

編次周禮追師注二則

幘

副

卷三

爾雅訓詁言

爾雅分編二則

漢人增益爾雅

後人增益爾雅七則

爾雅經字六則

爾雅引書注三則

爾雅用韻

爾雅韻

漢志爾雅二十篇二則

傳注引爾雅

爾雅義異

爾雅文異

讀異

句讀異 五則

爾雅字異 十則

爾雅訓同 十則

爾雅舊注佳 十二則

注疏紕繆 十五則

爾雅脫文衍字 六則

郭注脫文 三則

注脫 二則

山海經郭注 三則

方言郭注 二則

郭注有本 六則

非郭注

郭引他人 八則

郭注異文

郭注不詳者百四十事

注雅 二則

正說文誤

說文相異 三則

說文說雉 九則

四方雉異文 四則

卷四

古韻

古射音一則

同訓異義

味莖著

白楊

晨

麻同則兼服之一則

瑩

繅

纓且六

鍤

敝蔽

慶

鵠鵠

采保

溢

母燒灰

三十六郡

初郡十七

漢志河水經流

漢志江水經流

將相表誤

續漢志失載并省增立縣

二則

府兵

二則

卷五

吳時金陵四水

四則

水經漢水過水

滹沱

十則

臨潁

水經誤字

揚州水利

直隸水道

淀河

十六則

東淀

永定河

五堰

運河

二則

對壩

元虞集

卷六

宋志節度團練防禦各

二則

隆州

一縣分隸兩郡

六鎮

七則

馬陵桂陵

滕氏

算掃

宮觀

二則

附記周蓮池學師令祖詩經注



悔翁筆記一

江甯汪士鐸

元良首也釋文首本作善易文言曰元者善之長良本訓善自善訛爲首而後人遂以元良之分爲疑此幸有釋文之可校正耳

釋詁元良首也書一人元良似元良連文不可分然此釋首之訓與書無涉也元者善之長良首也詩建爾元子士冠禮元服傳注皆云元首也廣雅元良長也長卽首也不必連文固可單舉也釋詁之中此例不少如鬱陶繇喜也棲遲云云息也無祿徂落死也禋祀祭也鞠訥諛盈也疆界云云垂也搖動云云作也淹留久也皆

可分可合之文元良爲首不足怪也

又北播爲九河九河者猶今之減水壩也河不兩行禹豈不知之而播爲九者所以備盛漲則敗以分洩之耳然又恐河分而力緩水緩沙停入海之處必淤故又同爲逆河使九河者首受河而尾仍入河以同爲逆河以入海故海口暢行猶今徐州九減壩首受河而尾入淮仍由清口出以助黃刷沙而入海然則徐州嶧山等間猶播爲九河也清口以下猶同爲逆河也自齊桓公時八支河塞盛漲無以洩故數十年至宣公七年己未河遂決宿胥奪潔川之道幾幾有改海口之勢矣可畏哉宣公七年周定王五年也惜三傳不載其事耳○夏時時書缺故決無考商則屢決謂禹河不決者謬極

治梁及岐僞孔以爲雍州山後人從之唯蔡以爲冀州  
山是也或以爲二山去河甚遠然經原未言治二山爲  
治河也且以爲雍州山則梁山可言治河岐山去河近  
乎進退無據矣會攷以爲壺口梁岐一役也施功同時  
不可分言於二州不知壺口梁岐同時施功出何經典  
且大野雷夏相近而在二州當時未必旣治雷夏遂不  
治大野也況雍州復言荆岐旣旅則荆岐爲一役可知  
荆山在梁山之西岐山之東又何以不并序於治梁及  
岐之間也導山云導岍及岐至於荆山卽此何以又分  
言於雍州也以矛盾盾百喙何辭蓋人不過以傳出蔡  
氏故不論所言之是非而必求異說以易之耳抑知治

梁及岐乃治汾水固與治河無涉哉

雷夏在濮州東南大野在鉅野東五里荷澤在曹州東南皆治沛水也必一役可知而分言於三州何也而南北條皆有荆山黑水有三可證

近人知河之宜爲荷是矣達于荷卽達于濟也猶浮于汶之達于濟也濟與漯古不相通滎陽引河之通者非禹跡蘇氏書傳謂汴爲禹跡固非趙氏言濟通漯而不能指其相通之處但空言敷衍則尤非胡東樵以鄧里渠揚渠爲證然鄧里渠揚渠南通沛矣北屬漢河亦不通漯漯在漢河之北禹河又在漯之北則二渠不通漯不通禹河也夫濟漯古無相通之道經亦無相通之言

二三淺人無故杜撰相通之說又相率而尋相通之處  
眞可失笑許敬宗之對可爲明證然則達荷達濟曰達  
何也濟之南北二渠固難定爲禹跡然濮之來也久矣  
荷之通濮濮由延津入河耳但濮自瓠子河分者爲濟  
濮支津爲北濮自封邱北北濟分者爲濮渠此則自酸  
棗今延津受河之別濮下流東達於荷耳曰浮于濟潔非  
相通乎曰近濟者浮濟近潔者浮潔非言相通也按揚  
州沿江海達淮泗青州浮于汶達于沛徐州浮于淮泗  
達于荷兗州浮于濟潔達于河此四州皆自潔入河或  
自沛入河沛潔不相通疑沛入河之後復出河特勞軼  
者爲滎澤耳故沛能入河班志顏注曰軼與溢同言沛

水入河並流而南截河又並流溢出乃爲滎澤也此說可據

胡東樵以禹貢黑水爲三程同文徐心田以爲一程同文云山海經河與黑水同出昆侖○爾雅河所出爲昆侖窮河之源卽昆侖也

雍梁以爲西界○河所出爲枯爾坤山山自喀什噶爾以來經和闐南二千餘里以抵此連山不斷使張掖燉皇閒有水南行在河源之下不能截河河源之上不能截山然則謂黑水出張掖離山者別一水非雍州之黑水也水經謂出離山入南海非也

入於南海然則黑水出昆侖爲雍西界至雍梁界之三危○

注以三危在瓜州誤當依鄭康成引地記書在鳥鼠之西南當岷山者爲是蓋鳥鼠少西爲岷山三危更在岷之西與岷南北相當當時必由鳥鼠故道傍岷山北循黃河南岸經今松潘屬郭羅克土司境西南行乃抵焉故云然岷山之西今西甯屬土司又西爲西藏土司在察木多洛隆宗之北三危當在其處蓋枯爾坤西爲巴薩通拉木又西爲諾莫渾烏巴什實一山也卽古之昆侖矣黃河出其東格吉河出其南經西甯屬土司至察木多南爲瀾滄江喀喇烏蘇河

蒙古云黑也

出其西經西藏

土司至洛隆宗南爲怒江經云南入緬甸入南海而瀾滄入南掌之南海此二水必有一水爲黑水矣禹貢雍

梁之界必在今察木多洛隆宗之間故三危既宅在雍州州之西距黑水其下爲梁西之黑水其下入南海爲導水之黑水或者瀾滄乃黑水與以怒江又在其外也○瀾滄卽葉榆水經不能考其上源故以此爲黑水失之

入於南海三黑水實一水也○張邦仲曰瀾滄出西番阿克必挂南流至你那山入雲南東一枝爲漾備江南東入西洱海正支南行絕雲龍江東南流入雲龍州西有三崇山一名三危有黑水祠又南流至阿瓦國入南海宋李元陽以爲黑水元史張立道使交趾並黑水至其國者導以之黑水也水經之張掖者雍州之黑水也



漢地理志南廣注汾關山符黑水所出北至夔道入江  
唐樊綽以麗江爲黑水薛季宣以瀘爲黑水引酈注黑  
水爲瀘卽若水出姚州徼外吐番界卽金沙江出西番  
南至塔城關入麗江曰麗水東南至大姚合打沖河東  
入四川入江此梁州之黑水也不可合爲一水與程說  
異陶文毅亦以金沙江爲梁之黑水而以牂柯江爲導  
川之黑水則不若瀾滄江之合矣○山海經青水今大  
渡河乃青衣水與涑水合者也其若水乃今之金沙江  
蓋若水澠水瀘水合之水也

爾雅晉有大陸定元年左氏杜注卽吳澤陂水經清水  
注魏獻子田大陸還卒於甯卽吳澤也

今河內而爾雅修武

郭注以爲鉅鹿澤今鉅鹿北廣阿澤不知此禹貢之大陸呂覽淮南所謂趙之鉅鹿也郭誤

漢志太原鄆縣班固曰九澤在縣者爲昭餘祁并州藪水經以爲大陵也按陸當作陵

秦有楊陁職方注以爲所在未聞而郭注爾雅以爲在扶風汧縣西是誤以弦蒲爲楊紆矣○雍州藪曰弦蒲注在汧班志汧北蒲谷鄉弦中谷雍州弦蒲藪

說文檣注書曰竹箭如檣按書無竹箭史記夏本紀禹貢曰竹箭旣布又曰瑤琨竹箭然則竹箭乃今文尚書之篠簜也

說文無劉字顧命執戈書疏引鄭注戈上刃云戈卽今

之鉤子戟執劉鄭注云劉今鑕斧說文鑕銳也廣雅劉  
刀也執鉞鄭注鉞大斧執惠鄭注惠狀蓋斜刃宜芟刈  
執戣執瞿鄭注皆以爲三鋒矛說文戣周制侍臣執戣  
兵也詩小戎傳公三隅矛殆此也執銳鄭注云矛屬凡  
此七兵或施矜或著柄周禮戈長六尺六寸其餘未聞  
長短之數按銳說文作銳云侍臣所執兵也凡七兵惠  
戈劉鉞戣瞿銳也廣韻六脂戣戟屬十虞鑕戟爾雅不  
載顧命之七兵說文載戣銳戈鉞四字餘三字則無劉  
字而兼瞿亦無兵訓鄭君亦以意況之故每云蓋以疑  
之也

劉有訓陳者武帝紀軀劉

卽軀

有訓克者

釋詁

逸周世

俘云咸劉商王受也有訓殺者勝殷遏劉也亦釋文有訓  
暴樂者將采其劉也

蓼蕭序言澤及四海箋以夷狄戎蠻九州外之國當之  
大抵謂婚兄弟姻兄弟爾大學所引自屬斷章取義其  
實乃所謂母與妻之黨爲兄弟小功以下爲兄弟之兄  
弟也

書九澤旣陂詩彼澤之陂陂澤障也氓詩隰則有泮祁  
春浦尚書據古濕隰字相近而定爲濕字之訛濕潔川  
也禹於大伾東廝河爲二渠其一向北者河之經流東  
流者潔川兩分於宿胥口酈注甚明周定王時河徙河  
始行潔川而經流成大河故瀆春秋時河自河潔自潔

也宿胥在頓邱東南數十里而近中爲河北爲淇南爲  
潔故詩以淇潔對舉淇水小故云岸潔水大須用隄防  
以障之故云陂洋爲陂見釋文今東河於沁水南河於南北兩  
運河及六塘諸河皆用隄工其遺制也

哀十年取犂及轅杜注犂邱隰也潔作隰云犂一名隰  
濟南有隰陰縣按卽潔陰也釋文本或作濕通典一百  
七十二注引孟康言潔川皆作隰川後漢襄楷傳隰陰  
人光武十王傳隰陰重邱漢書王子侯表上濕城侯忠  
史記作隰成西河郡之縣也

自土沮漆鐸按此土讀爲杜杜水也言去邠踰梁山沮  
乃徂之訛遂自杜水以徂漆水而至岐山也率西水蒨

言循杜水而西循水涯至漆渡漆乃邑於岐下周原耳  
○鐸謂禹貢之漆沮既從又東過漆沮小雅之漆沮之  
從頌之猗與漆沮皆涇東也以有沮也生民之自土杜  
也沮同漆涇西也涇西無沮也元和志邠州之漆誤以  
當時俗名入志非書詩班志水經之漆也戴氏謂漆有  
三者誤以元和志邠州之漆爲一也邠州漢之漆縣其  
西卽今麟遊故班志說文等皆云漆水在縣西縣西者  
在漆之西麟遊也隋志曹潤卽邠州云有漆水亦卽麟  
遊古之杜陽之漆也元和志乃以白土川入涇者當之  
此或當時流俗有此名古無之也

釋文刀室鞞

琕同

鞞上室曰鞞

琕同

下飾曰琕

琕同

或曰劍衣

或曰夫襍○方言劍削自關而西謂之鞞○戴東原云  
瞻洛傳鞞容刀鞞也琫上飾琕下飾天子玉琫琕卽而琕  
琕諸侯璽琫而璆琕大夫鏐琫而璆琕士琕琫而琕琕  
震按琕皆當作鞞琕文兒說文琕佩刀下飾鞞刀室皆  
誤毛傳鞞容刀鞞也釋名刀室曰削室口之飾曰琫下  
末之飾曰琕鞞卽可據以正說文公劉傳下曰鞞上曰琫  
左氏藻率鞞鞞亦不作琕釋文鞞鞞刀削之飾瞻洛箋  
疋申傳作諸侯鏐琕大夫鏐琕言天子諸侯琫琕異物  
大夫士則同尊卑之差也爾雅黃金謂之璽金之美者  
與玉同色凡飾天子玉諸侯金大夫金玉雜土璽○佩  
有德佩事佩德佩以玉曰白玉曰水蒼曰山元曰璆琕

自天子至士各有等事佩以利用曰刀礪曰捍珷而容  
刀惟諸侯始有

釋獸屬牡麋牝麋按此郭本爾雅誤也當云牝麋牡麋

何也詩麋鹿麋麋應卽鄭箋用爾雅今亦誤孔疏曰牝

曰麋可證玉篇廣韻十一羣經音辨七引鄭義皆作牝

曰麋當據鄭以正郭

傳陰揜軌也鞞所以引也蓋白金也續續鞞也箋蓋續

口金飾續鞞之環阮伯元曰陰者輿前軾下板也胡承

珙曰軌在輿下陰在軾前陰高於軌故曰揜軌陰鞞者

陰下之鞞正義謂以皮爲之者是謂繫於陰板之上者

非也說文鞞引軸也從輿下而出於軌前以繫於衡其



後則繫於車軸故以爲引軸其革不能如此之長故須爲環以接續之鐸按胡氏之言確甚然言一端以繫於衡則非也正義曰古之駕四馬者服馬夾轡其頸負軛兩驂在旁挽勒助之若繫於衡則仍責重在兩服而兩驂無所助力知此勒必一端繫驂馬背上如今車用邊套之制其轡亦端繫驂馬之背一端繫於軛下環上方能助力特古人不於軛而於軸耳兩驂故兩勒左氏衰二年傳曰我兩勒將絕是其證也添續者卽銅環在軸上以繫勒之一端非若胡氏革不能如是之長而爲環以接續之謂也驂馬兩轡一勒勒繫於軸以引車外轡貫於游環以制其旁出內轡合服馬之轡貫入轡軸之

環以御云

古草木之名多雙聲疊韻苞櫟六駿是六非數目之名  
駿非騮白之馬毛傳倨牙食虎豹之獸非也釋木駿赤  
李釋草駝九葉樊光木駝作駿陸璣疏梓榆駿馬青色  
駿犖犖與六駿一聲之轉耳

堂下謂之步○韓詩外傳齊桓公出遊遇一丈夫賣衣  
應步不在堂下也

門外謂之趨○公羊僖十年傳吾夜者夢夫人趨而來  
非門外也

中庭謂之走大路謂之奔○詩駿奔走在廟左襄三十  
年傳使奔問諸朝又何也

祭山曰展縣○大宗伯注祭山林曰埋

有足謂之蟲無足謂之豸○邢疏此對文爾散言則無足亦曰蟲

小者謂之應○注詩應輦縣鼓在大鼓側按鼗小鼓在大鼓旁是同也

大磬謂之馨○注以玉石爲之詩那箋馨玉磬也是同也

笙小者謂之和○注三笙一和而成聲鄭鄉射注三人吹笙一人吹和是他注亦同也

釋詁肆故今也○注故亦爲今今亦爲故按肆不殄厥愷傳肆皇天弗尚箋皆故今連文

鄭氏無易由言箋由於也正義云釋詁文按釋詁作繇於也

我居閼卒荒箋荒虛也爾雅釋詁文作濔虛也

禮學記不興其藝注興之言喜也歆也正義引爾雅云歡喜興也爾雅作廡熙興也

烈假不瑕箋瑕已也正義云釋詁文爾雅作假已也

周禮以爲民極注極中也正義云爾雅文今爾雅作殷齊中也

王赫斯怒箋斯盡也正義云釋言文爾雅作斯諺離也後予極之箋極誅也正義云釋言文爾雅殛誅也致天之屈正義云釋言文爾雅作屈極也

夏屋渠渠箋屋具也爾雅作握具也

內則疾痛苛癢注苛疥也爾雅作苛妍也

詩終朝采綠大學作萊王芻也竹韓詩作薄篇蓄也毛傳本之爾雅陸璣以爲一草名已誤朱子以爲竹箭之竹蓋木史記下淇園之竹以爲撻立說然水經注通望淇水無復竹木惟有王芻篇蓄不異毛興說文筑篇筑薄水篇筑則韓詩傳亦同毛也

漢時名帛爲繒後漢輿服志公主貴人始以上嫁娶得

服錦綺羅縠繒采十二色重綠當作綠袍六百石以上重

練采九色禁月紫緇三百石以上五色采綠青黃紅綠二百石以

上四采又無賈人二采又宗廟以下祠祀皆冠長冠

卑繒袍又爵弁繒其上似爵頭色又注引獨斷云衿紺繒也是漢時名帛爲繒也

後漢輿服志注云緌綠色綢青紫色按鄭注蒼壁禮天亦同今注賈疏以爲青白色是也前漢楊雄傳翠玉樹之青葱兮壁馬犀之璘璫壁當作壁師古以殿壁釋之誤壁與翠對文當爲蒼白色也

茗卽陵茗藤本高二丈餘花大如旱金蓮色亦同高郵有紫葳今凌霄

山海經榆次之山漆水出焉地理志太扶風漆縣漆水在縣西莽曰漆治說文漆水出右扶風岐山東入渭水經漆水出杜陽縣俞山卽山經之榆次山東北入渭十

三州地理志漆水出漆縣西北至岐山東入渭今有水  
出杜陽縣岐山北漆溪謂之漆渠西南流注岐水隋地  
理志普潤卽邠州有漆水水經渭水篇注橫水左會漆  
水水出杜陽縣之漆溪謂之漆渠故徐廣曰漆水出杜  
陽之岐山者是也其水至美陽入雍水蓋榆次山卽俞  
山亦卽岐山寶一山也生民自土杜沮沮沮漆卽此胡墨  
莊以爲漆沮之從猗與漆沮謂左氏昭四成有岐陽之  
蒐證以岐陽石鼓則二詩之漆亦在此然二詩皆兼言  
沮而涇西之漆無沮水戴氏謂沮爲彼汾沮洳之沮亦  
非也不如以禹貢及二詩之漆兼沮言者指涇東言生  
民之漆與山經地志以下諸言指涇西言以無沮水也

蜀涇西二漆者除元和志有此言外更無他文寰宇志以證其非此自李吉甫之誤不知水經注漆水篇之漆水卽渭水注中注雍入渭之漆水本無注涇之說也

通典新平

卽涇漆縣

普潤麟遊杜陽四縣皆未注漆水

何人斯箋暴也蘇也皆畿內國名稽古編文八年公子遂會雒戎盟於暴杜注鄭地范甯穀梁注同則暴必近雒亦東都畿內國王氏詩稗疏據公子遂壬午盟於衡雍乙酉盟於暴三日盟兩地地必相去不遠衡雍今懷慶府蘇今溫縣胡墨莊云成十五年楚侵鄭及暴隧遂侵衛今原武高誘淮南精神訓注云訟閒田者暴桓公蘇信公也則二國必犬牙相錯鐸按水經清水篇注又



東過汲縣北清水又東與倉水合水出西北方山東南  
流潛行地下又南東復出俗謂之雹水東南歷埤野又  
東南入於清水按剝雹聲近俗謂雹水疑古謂之暴水  
也溫汲二縣相近或卽古之暴國與○暴爾雅釋言暴  
作䟽釋詁作爆易繫下鄭作䟽周官司寇上作恭攷工  
注或作剝史記楚世家華露徐廣云華一作暴漢書東  
方朔傳注服虔云暑音暴鄧展暑音瓜煦之煦師古云  
暴與服音同

天子八佾諸侯六大夫四士二魯諸侯也六佾隱五年  
初獻六羽是也季氏大夫也四佾昭二十五年萬者二  
人惠定字作二八是也其眾萬於季氏蓋取公之四佾

足已爲八原有四佾足四佾故八故公只餘二八也六  
佾去四故二論語八佾指此

趙氏孟子題辭曰七篇三萬四千六百八十五字陳士  
元孟子雜記云實有三萬五千四百一十字翟晴江梁  
玉繩對數之凡三萬五千三百七十一字較趙多六百  
九十四字較陳少三十一字

左氏僖十五年釋文之言上天降災以下四十二字昭  
十四年平邱之會以下六十一字皆後人之文羈入者  
未審所出宜存參

公羊隱七年傳美惡不嫌同名爾雅以亂爲治以故爲  
今以徂爲存以曩爲羈是也

閔二年齊人遷陽馬宗圃引漢志東海郡都陽應注齊人遷陽是○城陽國陽都應注齊人遷陽故陽國是○惠氏曰一國兩屬未詳孰是鐸按漢縣若此頗多不可枚舉此則郡得陽之南國得其北陰之都也

梅翁筆記一終

後學儀徵劉壽曾校字  
受業上元羅震亨

悔翁筆記二

江甯汪士鐸

說文序言僞易孟氏書孔氏詩毛氏禮周官春秋左氏  
論語孝經皆古文獨儀禮用今文臧禮堂曰士冠士昏  
古文離皮今文儷皮說文離言黃倉庚麗僞禮用麗皮  
納聘矣士昏古文局今文鼎鼎或爲鉉說文局爲外閉  
之闕鼎言以木橫貫鼎耳而舉鉉明僞禮謂之鼎旣夕  
古文乃窆今文乃封說文朐明言禮謂之封周官謂之  
窆公食禮古文羊芻今文羊芻說文芻明僞禮曰鉶毛  
牛藿羊芻豕薇矣士昏古文文北趾今文北止說文以止  
爲足無趾字士喪古文爲銘今文爲名說文有名無銘

特牲古文醕今文酌說文有酌無醕陳壽祺引伸之曰  
士冠古文匱爲簋說文有匱無簋鄉射記今文糗爲縮  
說文有縮無糗聘禮記古文飪作臚說文有飪無臚少  
牢古文綏爲所士虞記所俎今文爲抑俎說文無所特  
牲今文援爲綏說文無援士喪今文使作夷說文無使  
士喪今文肸爲迫說文無肸士喪古文褶爲襲說文紼  
或作褶士喪今文釋爲澤說文無釋旣夕記古文塋爲  
役說文役卽塋字又今文館爲鍤說文無館旣夕古文  
算皆爲筴說文無筴此皆許氏用今文之誣也

士虞个猶枚也今俗或名枚曰个音相近又特牲禮个  
猶枚也今俗言物數有若干個者是也○鐸按一个臣

及左氏傳又弱一个焉方言十二箇枚也注謂枚數也  
說文箇竹枚也前漢刑法志顏注个讀曰箇箇枚也貨  
殖傳顏注同此

聘禮名書文也今謂之字○同時許君答書曰說文解  
字白敘曰蓋依類象形故謂之文其後形聲相益卽謂  
之字文者物象之本字者言孳乳而寔多也釋文名謂  
文字也

士冠纏今之幘梁也○續漢輿服志尚書幘方三寸羣  
吏青幘武吏赤幘未冠童子幘又曰進賢冠古緇布冠  
也公侯三梁中二千石以下至博士兩梁自博士以下  
至小吏私學弟子皆一梁

又笄今之簪○釋名簪虒也以虒連冠於髮也說文虒首笄也簪俗先字晉語折委笄注笄簪也

又冠義始冠節白布冠今之喪冠是也○續漢輿服志漢輿續其顏卻摻之施巾連題卻覆之今喪幘是其制也

士喪浴衣已浴所衣之衣以布爲之其制如今通裁○釋名衣尸曰襲襲匝以衣周匝覆衣之也楊震傳布單被裁足蓋形皆俗衣也通裁未詳

士昏卿大夫妻刺黼以爲領如今偃領矣○方言四極謂之偃注卽衣領也續漢輿服志太皇太后皇太后皇后入廟服皆隱領隱偃同



既夕齋居柳

柳車也

之中央若今小車蓋上黹矣○釋名

綏注旄竿首其形濛濛然也明堂位注黹謂注旄牛尾於杠首所謂大麾又小車駕馬輕小之車也論語包注小車駟馬車攷工記輪人爲蓋蓋崇十尺釋名蓋在上覆蓋人也又輿棺之車曰輅其蓋曰柳柳聚也眾飾所聚亦其形像也與此蓋上黹同矣○屏風丁晏引司几筵明堂位釋文爾雅魏書李謐傳釋名

以下缺

士冠匱竹器名今之冠箱也○說文匱籒米簍也一切經音義三引風土記云笈如冠箱而卑者也廣韻二十四綏匱冠箱也

鄉射今官布幅廣二尺二寸旁削一寸○續漢輿服志

又見二十一頁綬廣尺六寸後漢西南夷傳有梧桐木  
華績以爲布幅廣五尺其官布無可考又後漢書獨行  
傳符融幅巾奮褱注以一幅布爲之也又按此以深衣  
元端裳證之可信其廣二尺二寸也

旣夕纓今馬鞅也○釋名鞅嬰也喉下偁嬰言纓絡之  
也巾車鄭注云纓今馬鞅樊纓皆以五采屬飾之後漢  
周章傳前拔佩刀絕馬鞅僖二十八年鞞鞞鞅鞞

聘禮訝主國君所使接待賓者如今使者護客○後漢  
梁竦傳坐徙新城使者護守光武十王傳遣中黃門占  
護其妻子班超傳別遣衛候李邑護送烏孫使者

聘禮帛今之璧色繪也○文選雪賦注引字林繪帛總

名也一切經音義六引三蒼雜帛曰繪王符潛夫論本傳或刻畫好繪演繁露繪厚帛也大宗伯賈疏以爲蒼色與服志采十二色錦綺羅縠繪

旣夕侍者今時侍從之人○後漢列女傳悉歸侍御服飾又云車馬服從皆言侍從也桓帝鄧皇后傳驅役從使列女傳阜使傅奴侍者

燕禮今辟雍十月行此燕禮元冠而衣皮弁服與禮異也○續漢禮儀志永平二年上始帥羣臣躬養三老五更於辟雍行大射之禮儒林傳建初二年冬肅宗行饗禮後漢書明帝紀永平二年十月壬子幸辟雍初行養老禮八年冬十月丙子臨辟雍養三老五更儒林傳祖

割辟雍之上尊養三老五更饗射禮畢公食大夫注羹  
或中別左酒右漿皆弟子職語

特牲禮楸之制如今大木輦矣上有四周下無足○一  
切經音義六車無輪曰輿今之輦輿形制別於古也前  
漢溝洫志山行則楬韋昭注曰楬木器如今輦牀人舉  
以行也說文作輦云大車駕馬者也又云輿車輿也輿  
上有軫是上有四周也無輪是下無足也廣雅案謂之  
輦疏

聘禮秉十六斛今江淮之間量名有爲簋者今文簋爲  
逾鐸按此米粟之量也古皆不云簋論語與之庾莊子  
田子方餽斛不敢入於四竟廣雅鍾十曰斛是古不作

簋也昭十二左氏傳栗五千庾攷工陶人庾實二穀是古不作簋也丁晏引周禮掌客魯語說文繫傳王莽傳喪服傳櫛笄者以櫛之木爲笄或曰榛笄有首者若今時刻鏤摘髮矣○釋名栉櫛也所以摘髮也續漢輿服志以瑇瑁爲櫛長一尺端爲華勝上爲鳳凰以翡翠爲毛羽下有白珠垂黃金鐏左右一橫簪之以安齒結諸簪珥皆同制其櫛有等級焉此鄭君之證也

聘禮今時民春秋祭祀有行神古之遺禮乎○孔鮒碑春秋饗神史晨奏銘到官行秋饗

士冠韞藏筴之器也今時藏弓矢者謂之韞丸也○方言丸所以藏箭弩謂之箠弓謂之韞或謂之贖丸後漢

南匈奴列傳弓韃賴丸一廣韻作賴𦏧同義注同方言  
藏弓爲韃藏箭爲賴丸左傳服注冰櫝丸蓋也說文賴  
弓矢賴也

士冠緇布冠無笄者著頰圍髮際結項中隅爲四綴以  
固冠今未冠笄者著卷幘頰象之所生也滕薛名蔭爲  
頰○釋名作蔭云恢也恢廓覆髮上也魯人曰頰頰傾  
也著之傾近前也廣雅蔭謂之幌按蔭當作櫛魯與滕  
薛鄰也幌頰古音同部齊人曰幌飾彤兒也釋名又見  
二十一頁之右

士冠緇布冠今小吏冠○後漢輿服志進賢冠古緇布  
冠也自博士以下至小吏私學弟子皆一梁

聘禮筥稱名也若今萊陽之閒刈稻聚把有名爲筥者  
詩云彼有遺秉又云此有不斂穧○說文穧穧刈也周  
禮掌客鄭君彼注云筥謂一穧也魯語韋昭注四秉曰  
筥按周禮二百四十斗爲秉四秉曰筥十筥曰稷十稷  
曰秬四百按此禾把之量也說文五稷爲秬二百秉二  
秬爲秬亦四百秉爲一秬皆言禾把之數與米粟之量  
異實也

士冠榮今之搏風○丁晏引史記司馬相如傳注漢書  
楊雄傳注誘說文之榮字注

既夕進車者象生時將行陳駕今時謂之魂車○釋名  
塗車以泥塗爲車也鹽鐵論二十九今素桑糅偶車輶

輪皆魂車之類也

士冠有司如主人服有司羣吏有事者謂主人之吏所

自辟除府史以下也今時卒吏及假吏

蘇武傳見

皆是也

○前漢黃霸傳補左馮翊二百石卒吏後漢儒林傳注

引謝承書河南郡設吏卒視之宗室四王三侯傳起祠

廟置吏卒龐參傳率吏卒及太尉府陳禪傳但使吏卒

往曉慰之此吏卒連言也○符融少爲都官吏注都官

從事公孫瓚爲郡小吏衛颯傳注引東觀記颯從吏二

人循吏傳許荆傳注引謝承書荆字子張家貧爲吏童

恢少仕州郡爲吏儒林傳周防仕郡小吏李邵署幕門

候吏弟五種爲吏冠名州郡胡廣傳入郡爲散吏此單



言吏也○張黼傳竇景家人復擊傷市卒庾乘少給事縣庭爲門士卽門卒此單言卒也○段熲傳假司馬夏育何進傳假司馬伍宏班超傳以超爲假司馬又續漢百官志司隸校尉假佐二十五人此假吏也旣夕今時有死者鑿木置食其中樹於道側由此○此言喪之重也釋名重死者之資重也含餘米以爲粥投之甕而縣之比葬未作主權以重主其神也

鄉飲今郡國十月行此飲酒禮○續漢禮儀志郡縣道行鄉飲酒於學校皆祀聖師周公孔子伏湛傳是歲奏行鄉飲酒禮李忠傳乃爲起學校習禮容春秋鄉飲郅惲傳汝南舊俗十月亭會百里內縣皆齋牛酒到府讌

飲時行饗禮

聘禮竹簋方者器名也以竹爲之狀如簋而方如今寒具簋者園此方耳○丁晏引李綽尚書故實通雅通俗文楚詞南史虞棕傳集韻桓譚新論淮南時則訓注員底曰簋北堂書鈔引張逸閉口寒具不得入通俗文曰寒具謂之餠桓譚新論下及酒脯寒具致敬而去賈思勰齊民月令膏環一名糗糒用秫稻衣屑水密溲之純澤如湯餅麪手搗團可長八寸許屈令兩頭相就膏油煮之楚詞大招糗糒密餌注糗糒環餅也吳謂之膏環按北堂書鈔引此下有亦謂之寒具句今本楚詞無之知有脫文也後漢樊曄傳爲市吏餽餌一笥第五倫

傳注引華嶠書人有遺母一筭餅者寒具餅餌屬筭筭屬此其證也

鄉射今郡國行此禮以季春又云今郡國行此鄉射禮

皮弁服與禮

禮用元朝服

爲異

○後漢劉昆傳每春秋饗射

儒林傳太初元年梁太后詔每歲輒於鄉射月一饗會

之注漢官儀曰春三月秋九月習鄉射禮循吏秦彭傳

每春秋饗射輒修升降揖讓之儀鮑永傳廼會眾修鄉

射之禮前漢韓延壽傳會文學校官諸生皮弁執俎豆

續漢輿服志行大射禮執事者冠皮弁衣緇麻衣是其

證也

士喪免用麻布爲之狀如今之著慘頭矣自項中而前

交於額上卻繞紒也○釋名綃頭綃鈔也鈔髮使上從也或謂之陌頭言其從後橫陌而前也方言四自河以北趙魏之間曰幪頭後漢向栩傳好被髮著絳綃頭注綃當作幪引鄭君此注云云問喪注今時始喪者邪巾貊頭笄纚之存象也釋文貊作陌同此

燕禮坐行之若今坐相勸酒○前漢游俠傳王邑居樽下侮賤子上壽坐者百數皆離席伏樓護獨東鄉正坐蓋寬饒傳寬饒乃往從西階上東鄉特坐許伯自酌曰蓋君後至寬饒曰無多酌我我乃酒狂晉書阮咸傳咸圓坐相向大酌更飲前漢田蚡傳召客飲坐其兄蓋侯北鄉自坐東鄉皆坐相勸酒也

士昏筭竹器有衣者其形蓋如今之筥筭簠矣○按注又云橋所以庋筭○經云筭緇被纁裏加於橋又舅答拜宰徹筭注被裏也筭有衣者婦見舅姑以飾爲敬○按說文筭爲凵之或體凵凵盧飯器以柳爲之鄭君所謂竹器也方言十三簠趙魏之郊謂之筭簠郭注盛餅筥鄭君所謂今蓋趙魏之閒也○筥說文筥也筥注陳留謂飯帚曰筥一切經音義十五筥筥也飯器受五升此筥爲飯器也○說文簠飲牛筐也方曰筐圓曰簠又作籩呂覽季春紀具曲植簠筐注員底曰簠卽筥也○筥今刷鍋帚

聘禮束紡注紡紡絲爲之今之縛也所以遺聘君可以

爲衣服○說文紡紡絲也縛白鮮卮也釋文引說文卮作色誤也又引聲類以爲今正絹字釋名絹經也音堅其絲經厚而疏也後漢陳實傳令遺絹二匹續漢輿服志委貌以阜絹爲之公卿列侯中二千石二千石夫人入廟佐祭者皆阜絹上下助蠶者縹絹上下

土虞乾肉牲體之脯也如今涼州烏翅矣○前漢貨殖傳濁氏以胃脯而連騎注晉灼曰今大官常以十月作沸湯燂羊胃以末椒薑分之暴使燥是也說文北方謂烏腊曰腊周官庖人腊臠鄭眾注腊乾雉內則夏宜腊鱸盧植注腊雉腊也說文翅翼也周官作翬同涼州烏翅者若後漢樊儵傳野王歲獻甘醪膏飴和烹鄧太后

傳之蜀漢卸器九帶佩刀同爲土貢矣庖人好羞注今  
青州之蟹胥○丁晏引腊人說文臚字注

旣夕下室如今之內堂正寢聽朝事○前漢鼂錯傳先  
爲築室家有一堂二內門戶之閉田蚡傳後房婦女以  
百數歸堂後房也淮南子原道訓潤浸北房高注北房  
陰堂也趙廣漢傳廣漢持吏到家自立庭下使長安丞  
龔奢叩堂戶張禹傳禹持崇入後堂飲食言內堂也又  
云彭宣之來也禹見之於便坐顏注便坐謂非正寢田  
蚡傳前堂羅鐘鼓立曲旃雋不疑傳登堂坐定言正寢  
也○伏以鄭君言今則取證自當時世相比上不得至  
周秦下不容到晉宋惟字書訓詁時或涉及亦以小學

師承固必有所自也

職方山澤川浸

揚州山會稽澤數具川涇水經有志有浸潯水經有

荊州衡山雲夢江漢水經有志有潁水經有志有

豫州華山田榮水經之渠水滎水經有志有滎水經汝水篇

青州沂山望淮水經有志有沂水經有志有

釋地車攻傳三十三年哀九年疏趙世家兩漢志禹

都詁豬史記明都漢志盟諸爾雅孟諸一也今商邱

兖州岱山大野河水經有志有廬鄭注以爲雷雖二水計

雍州嶽山弦涇志有水經佚之渭水經有志有

幽州醫閭養河水經有菑水經之湍水志有



冀州

霍山

揚行

水經有即清漳志亦有

汾水經有志有潞襄關以潞漳水經齊

并州

恒山

昭餘祁

虞

志有

水經佚之即水經之潞

漆即水經拒馬河易水經有志有

五家爲比五比爲閭四閭爲族五族爲黨五黨爲州五

州爲鄉大司徒五人爲伍五伍爲兩四兩爲卒五卒爲

旅五旅爲師五師爲軍小司徒○凡七萬五千家○宅

田士田賈田在近郊官田牧田牛田在遠郊○六鄉之

官凡一萬八千八百三十其爵加遂一等○載師以廩

里任國中之地以場圃任園地以宅田以備益士田大士

夫之子得而賈田吏爲縣官賈任近郊之地以官田公

耕之田也以養公賁田之田牧田牧六畜任遠郊之地

後鄉士田謂圭田賈田賈人家所受田官田府史等所

受田牛田牛人家田正義四同每同九萬夫共三十六萬夫山陵等三分去一餘二十四萬夫六鄉七萬五千家通不易一易再易一家約受二夫則去十五萬夫餘九萬夫此九者約各萬家亦通不易等二夫爲一夫爲四萬五千家合六鄉共十二萬家爲實受地數也○六遂同○遂人云五家爲鄰五鄰爲里四里爲鄣五鄣爲鄙五鄙爲縣五縣爲遂此猶六鄉之比閭也其小異者六鄉上地家百畝六遂下劑致阡六鄉上地無萊六遂有萊也遂亦七萬五千家○六鄉上地家百畝遂有萊五十畝鄉中地家二百畝遂有萊百畝鄉下地家三百畝遂有萊二百畝而遂中地下地皆家百畝○其出車

坊記正義云若七十五出車一乘恐非力之所能據巾  
車毀折之文質人受馬之說司兵受兵之言恐此皆國  
家所給也春秋作邱甲正義同○鄉遂用溝洫法用貢  
法○遂人夫閒有遂遂上有徑容牛十夫有溝溝上有  
畛容大車百夫有洫倍洫上有涂容乘車千夫有澮澮上  
有道容二軌萬夫有川川上有路容三軌以達於畿○上地  
家七人可任也者家三人中地家六人可任也者二家  
五人下地家五人可任也者家二人凡起徒役無過家  
一人

大司徒正義親王子母弟與公在大都次疏者與卿在  
小都次更疏者與大夫在家邑○載師以家邑之田任

稍地為三都以小都之田任縣地為四百里以大都之田

任出地五百里○小司徒九夫為井四井為邑四邑為

邱四邱為甸四甸為縣四縣為都注縣方八里旁加一

里方十里為成積百井九百夫其中六十四井五百七

十六夫出田稅三十六井三百二十四夫治洫○縣方

二十里都方四十里四都方八十里旁加十里方百里

為國積萬井九萬夫共四千九十六井三萬六千八百

六十四夫出田稅二千三百四井二萬七百三十六夫

治洫三千六百井三萬二千四百夫治澮井田之法備

於一國○都鄙用井田助法小司徒注引司馬法六尺

為步步百為畝畝百為夫夫三為屋屋三為井井十為

通通爲匹馬三十家司一人徒二人通十爲成

方十成

百井三百家革車一乘士十人徒二十人十成爲終終

千井三千家革車十乘士百人徒二百人十終爲國

方百

里萬井三萬家革車百乘士千人徒二千人○匠人正

義云方十里爲成中容一甸甸方八里出田稅緣邊

一里治洫者司馬法有二法一云甸甸方八里出長轂一

乘又云成方十里出長轂一乘言甸甸者據實出稅者而

言云成者據通治溝洫爲說二而一者也○所封之人

共十種畧內大國九曰三公之田三曰致仕者副之三

曰王子弟三次國二十一日卿田六曰致仕卿六曰三

孤三曰王子弟六稍內小國六十三曰大夫之田二十

七曰致仕大夫二十七曰王子弟九○王制鄭注按成  
與甸一法也成通治洫者故方十里甸據出賦者故八  
里夫甸六十四井五百十二家而止出七十五人蓋不  
盡以爲兵也又哀公二年以徒五百人莊公四年師徒  
無虧○載師以公邑之田任甸地注公邑謂六遂餘地  
天子使大夫治之二百里三百里其上下大夫如州長田  
百里五百里其下大夫如縣正甸凡七萬五千家爲六  
遂餘則公邑○耜席五寸二耜爲耦一耦之伐廣尺深  
尺曰畝田首倍之廣二尺深二尺曰遂九夫爲井井閒  
廣四尺深四尺曰溝方十里爲成成閒廣八尺深八尺  
曰洫方百里爲同同閒廣二尋深二仞曰澮○大司徒

不易之地家百畝一易之地家二百畝再易之地家三百畝○載師甸稍縣都皆無過十二惟漆林之征二十而五○賈公彥云成出革車一乘士十人徒二十人此天子畿內邦國法甲士多步卒少也此小司徒正義也按此原料兵之法及出兵亦七十五人爲一車與邦國同蓋此原料兵甸六十四井五百十二家出三十人是二十家出一人也

一車步卒七十二人甲士三人共七十五人三軍五百乘三萬七千五百人千乘六軍也七萬五千人天子六鄉六軍爲正卒六遂六軍爲副卒宣十二年左氏注二十五乘爲偏一百二十五乘爲伍十五乘爲一廣百人

爲卒二十五人爲兩車十五乘五大偏○縣師司右皆  
言車之卒伍注車亦有卒伍○成元年正義云邦國所  
出車甲士七十五人與大司馬五人爲伍不同者司馬  
所云謂鄉遂出軍及臨時對敵布陳用兵之法七十五  
人乃徵課邦國所料之兵臨戰之時選用鄉遂之法配  
割其車雖在其人分散前配車之人臨戰不必還屬本  
車更當以甲士虎賁領之配車而戰蓋車有車之卒伍  
人有人之卒伍也

大司馬大國三軍次國二軍小國一軍○穀梁傳古者  
天子六師諸侯一軍○大國三軍車五百乘次國二軍  
車三百三十三乘餘二十五人小國一軍車一百六十



六乘餘六十二人○陳祥道曰三軍三鄉之所出千乘  
闔境之所出也○賈公彥云成出革車一乘甲士三人  
步卒七十二人此畿外邦國法甲士少步卒多也○成  
元年左傳服注引司馬法曰四邑爲邱有戎馬一匹牛  
三頭曰匹馬邱牛四邱爲甸六十四井出長轂一乘馬  
四匹牛十二頭甲士三人步卒七十二人戈楯具備謂  
之乘馬案甸六十四井方八里也加治洫二里方十里  
卽成也故甸卽爲成然六十四井則五百十二家而出  
七十五人是七家出一人也此左傳服虔注及詩闕宮  
正義馬鄭論語注皆用此說何楷曰成十爲終終十爲  
同同十爲封一封三百十六里奇提封十萬井定出賦

六萬四千井車千乘○哀元年說少康有田一成有眾一旅十里而有五百人者十里九百夫之地通率二而當一有四百五十人上地差多則有五百人也○王有四方之事則冢宰徵師於諸侯畿兵不遠征也高宗伐楚曰裒荆之旅武王克商曰庸蜀羌髳微盧彭濮至於征徐以衆追豳以韓平淮夷以江漢春秋以來從王伐鄭猶有蔡人衛人可考也○邦國之國中亦同天子之鄉遂家一人用溝洫其郊外用井田同天子之都鄙亦甸出一乘七家出一人也○或言一甸五百七十六家者言一井九夫之賦不除公田故六十四井爲五百七十六家然九夫之賦實只八家故宜以五百十二家爲

定○夏殷諸侯○公侯百里伯七十里子男五十里王  
制孟子及襄二十五子產曰列國之地一同是也鄭注  
王制言夏五等爵三等地殷合子男於伯周斥大九州  
大司徒公方五百里侯方四百里伯方三百里子方二  
百里男方百里然則大國不過千乘者千乘馬融以爲  
其地三百十六里奇故惟公侯之地始足當之左氏所  
謂成國不過半天子之軍也○魯作邱甲杜佑謂邱出  
甲士一人步卒二十四人一兩之數三邱出一乘之數  
四邱爲甸出百人矣杜預云一甸增加二百二十五人  
謂甸出七十五人一乘今魯使邱出之是四倍於常也  
蓋邱十六井只宜出馬一匹牛三頭也陳祥道鄭伯謙

吳鼎從杜佑顏師古從杜預○魯成元作邱甲襄十一  
作三軍昭五年舍中軍昭八蒐于紅衰十二年用田賦  
賈逵言欲令一井出一邱之稅者井別出馬一匹牛三  
頭多於常十六倍杜氏謂欲別其田及家賦各爲一賦  
故言田賦○齊見管子中匡篇○宣十二成二昭十三  
○楚二廣廣有一卒卒編之兩宣十二○鄭桓五先偏  
後伍伍乘彌縫○書牧誓費誓○成元年莊十六年閔  
元年襄十四年○案三軍二軍一軍皆邦國鄉遂之軍  
其境內之軍用井田如都鄙

鄉大夫國中自七尺年二十以及六十有五皆征之黃氏  
曰不言年而言尺者瘞短侏儒不任使也國中晚征早

舍近王城役多也野早征晚舍遠王城而役少也王與之曰兵事先遣邦國後遂後鄉役事先鄉後遂後邦國○其舍者國中自貴者賢者能者服公事者老者疾者皆舍○又八十者一子不從政九十者其家不從政癯疾非人不養者一人不從政父母之喪三年不從政齊衰大功之喪三月不從政將徙於諸侯者三月不從政自諸侯徙於家期不從政○王制五十不從力政祭義五十不爲甸徒皆非周制也○均人豐年公旬用三日中年用二日無年用一日○食壯者之食任老者之事公之孤侯伯之卿與天子之公同方百里左氏惟卿備百邑地方百里也論語百乘之家鄭注大司徒云百里

之國凡四都采地食者四之一刑法志井十爲通通十爲成成方十里成十爲終終十爲同同方百里提封萬井除山川沈斥城池邑居園圃術路三千六百井定出賦六千四百井戎馬四百匹此卿大夫采地之大者是曰百乘之家○公之卿侯伯之大夫俱方五十里所謂五十里之國凡四縣也○公之大夫與侯伯之下大夫同方二十五里所謂二十五里之國凡四甸也其采地食者皆四之一易訟卦注云小國之下大夫采地方一成其稅三百家其子男中都小都無以言之又鄭注論語駢邑三百云此齊下大夫之制謂卿百邑方二里下大夫則得十里之成○荀子有五乘之地者事三世有

三乘之地者事二世○昭元魏舒毀車以爲行五乘十

五人爲三伍

爲五人爲伍

爲五陣以相離兩於前伍於後專爲

右角參爲左角偏爲前拒○襄二十三齊侯伐晉先驅

前鋒申驅

軍次前

中軍貳廣

副車

啟左

肱右

大殿

後軍

天子取后三國媵之並后本國爲十二女

諸侯不再娶一娶九女二國媵之以姪娣從○莊十九

公羊文也經原文云公子結媵陳人之婦于鄆左無傳

公羊文云媵者何諸侯娶一國則二國往媵之以姪娣

從姪者何兄之子也娣者何弟也諸侯一聘九女諸侯

不再娶○成十年經齊人來媵公羊云三國來媵非禮

也惟天子娶十二女○成八年左氏杜注古者諸侯取

適夫人及左右媵乃有姪娣皆同姓之國國三人凡九女穀梁注同○其二國之媵先來與夫人偕歸者成八年夏宋公使公孫壽來納幣冬衛人來媵九年春二月伯姬歸于宋○後夫人歸者九年晉人來媵十年齊人來媵是也○異姓不媵故左氏譏齊人媵爲異姓○本國歸一次二媵三次故曰三歸○北齊元孝友傳請若晉令諸王妾八人郡君侯六人○鐸按三歸者歸姓之女如晉侯之四姬類左氏襄三十一年立胡女敬歸之子子野卒立敬歸之娣胡歸之子公子裊是歸乃胡國之姓疑管仲所娶胡國女也疑此三歸之女不儉當時人所共知故子以爲言若言有此三歸爲不儉則大夫



固有姪娣不能爲不儉也

大夫○曲禮大夫不名世臣姪娣儀禮貴臣貴妾喪大  
記大夫撫姪娣○秋槎雜記云卿當六妾大夫當四妾  
○三歸包注娶三姓女管晏列傳正義本此國策鮑注  
蓋三取女也○北齊元孝友傳晉令一二品四妾三四  
品三妾五六品二妾七八品一妾○漢地理志身在陪  
臣而取三歸

士○曲禮士不名家相長妾正義引熊氏曰士有一妻  
二妾長妾當是娣江汜序正義據士昏禮以爲士有姪  
娣但不必備○士昏禮女從者注謂姪娣也又云媵布  
席於輿注媵謂女從者也

編編列髮爲之其遺象若今假紒矣

次次第髮長短爲之○謂髮髭廣雅假紒謂之髻以爲副之類非卽副也後漢書東平憲王傳注副婦人首服三輔謂之緞紒亦然按卽後漢志之剪釐齒今揚州人曰髻○次今江甯人曰頭髻少牢注被錫讀爲髮髻剔賤者刑者之髮以被婦人之紒爲飾因名髮髻采繁之被鄘風及哀十七之髻同說文髮益髮也髻髮也釋名髮被也髮少者得以被助其髮也髻剔也剔刑人之髮爲之也

髮有巾曰幘釋名幘隤也下齊眉隤然也急就篇注幘者韜髮之巾所以整幘髮也常在冠下或單著之獨斷

云方之卑賤執事不冠者之服也董偃之綠幘後乃賜  
衣冠引上殿是也漢元帝額有壯髮不欲人見始進幘  
服之然尚無巾王莽無髮乃施巾語曰王莽禿幘施屋  
續漢輿服志古有冠無幘其戴也加首有頰所以安物  
至秦乃加武將首飾爲絳帕以表貴賤其後稍稍作顏  
題漢興續其顏卻掣之施巾連題卻覆之今喪幘是其  
製也至孝文乃高其顏題續之爲耳崇其中爲屋合後  
施收上下羣臣貴賤皆服之又云未入學小童幘句卷  
屋示尚幼少未遠冒也廣韻繖小幘也按此非扎巾扎  
巾古曰帕頭幘頭綃頭

釋名王后首飾曰副副覆也以覆首也亦言副貳也兼

用象物成其飾也追師注副之言覆所以覆首爲之飾  
其遺象若今步搖矣按副有衡筭六珈以爲飾後漢輿  
服志結紒步搖簪珥步搖以黃金爲山題貫白珠爲桂  
枝相繆一爵九華熊虎赤翟天鹿辟邪南山豐大將六  
獸諸爵獸皆翡翠爲毛羽金題白珠環繞以翡翠爲莖  
鄒風毛傳謂編髮爲之誤編髮者編與次也今江甯人  
曰假角余授讀彭城諸生問字頗忠記誦多舛因鈔撮  
先儒之言始其檢閱舊稿存者厘此不忍棄之